

საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



საქართველოს ახალგაზრდა იურისტთა ასოციაციის წარმომადგენლებმა ანტიტრეფიკინგული მასალა გაავრცელეს

11 დეკემბერს 11 საათზე პროექტ “არა! ადამიანებით ტრეფიკინგის” ფარგლებში საქართველოს ახალგაზრდა იურისტთა ასოციაციის წარმომადგენლებმა საქართველოში მოქმედ საკონსულოებთან (თურქეთი, გერმანია, საბერძნეთი და ა.შ.) ანტი-ტრეფიკინგული მასალა (ბუკლეტები, ღია ბარათები, სანიშნეები) გაავრცელეს. რომლებშიც ახსნილია ტრეფიკინგის დანაშაულის საშიშროება და მოყვანილია ასოციაციის ანტი-ტრეფიკინგული ცხელი ხაზის ნომრები თბილისსა და ბათუმში.

ადამიანების ვაჭრობა (ტრეფიკინგი) წარმოადგენს ადამიანის უფლებების ერთ-ერთი

ჭ. კახიძის #15, თბილისი, საქართველო, 0102 ; ტელ: (995 32) 95 23 53; ფაქსი: (995 32) 92 32 11; ელ-ფოსტა: gyla@gyla.ge; www.gyla.ge
15, J. Kakhidze str. 0102, Tbilisi, Georgia. Tel: (995 32) 95 23 53; Fax: (995 32) 92 32 11; E-mail: gyla@gyla.ge; www.gyla.ge

საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



სერიოზულ დარღვევას და ეს პრობლემა საქართველოში ძალზე აქტუალურია. არსებული მონაცემებით საკმაოდ მაღალია საქართველოს მოქალაქეთა უკანონო შრომითი მიგრაციის დონე. აქამდე საქართველო ტრეფიკინგის მსხვერპლების და სატრანზიტო ქვეყანად ითვლებოდა. 2006 წლიდან საქართველო მომხმარებელ ქვეყანას წარმოადგენს. ტრეფიკინგის დანაშაულის აღმოფხვრისათვის ძალიან დიდი მნიშვნელობა აქვს საზოგადოების ინფორმირებას ტრეფიკინგის დანაშაულის საშიშროებასა და მის შესაძლო შედეგებზე. საქართველოში ტრეფიკინგის დანაშაულის ერთ-ერთ გამომწვევ მიზეზად სწორედ საზოგადოების გაუთვისებლობაა.

11 დეკემბერს დაგეგმილი ღონისძიება ემსახურებოდა საზოგადოების ინფორმირებას იმის შესახებ თუ რას წარმოადგენს ტრეფიკინგი, როგორ შეიძლება ამ დანაშაულისგან თავის დაცვა და რა უფლებები აქვს ტრეფიკინგის მსხვერპლს.

აქცია ტრეფიკინგის წინააღმდეგ საია-ს ორგანიზებით „ადამიანის უფლებების კვირეულის“ ფარგლებში ჩატარდა.